

È il rumantsch grischun giavischè en scola?

■ (sb) **La pcd giuvna Surselva vul savair il maini da la Rumantschia. Cun la petiziun: «Rumantsch grischun en scola: Gea u na?» vul ella cuntanscher ina votaziun consultativa en las 81 vischnancas cun scola elementara rumantscha.** Per la petiziun ha la pcd giuvna Surselva rimnà 3153 sottascripziuns. Ins veglia savair schebain la decisiun da la

regenza e dal parlament davart il rumantsch grischun saja er il giavisch da la Rumantschia. Quella decisiun preveda d'edir davent da l'onn 2005 ils meds d'instrucziun mo pli en il linguatg da scrittira unifitgà. A partir da l'onn 2010 duaja rumantsch grischun vegnir introducì sco lingua da scola.
